

آبونه اولق ایستینلر دائره عدلیه
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

قانون مجازات

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجر قی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تعیین و تحویل

یانیه ولایتی استیناف محکمه سی اعضا لغنه
اشقودره ولایتی استیناف محکمه سی اعضای سابقه سندن
محمد نافذ افندی

سوریه ولایتی مرکز بدایت محکمه سی سر
مستطقلکنه سیواس ولایتی مرکز بدایت محکمه سی
سر مستطقی فخری افندی

سیواس ولایتی مرکز بدایت محکمه سی سر
مستطقلکنه ارضروم ولایتی مرکز بدایت محکمه سی
سر مستطقلکنندن مستعفی حسن قاسم افندی

سلانیک ولایتی مرکز بدایت محکمه سی اوچنجی
مستطقلکنه مدلولو سنجانی بدایت محکمه سی مستطقی
سلیمان ناکب افندی

سنجه سنجانی بدایت محکمه سی برنجی مستطقلکنه
کوکلی قضاسی بدایت محکمه سی مستطقی جمال افندی
سلیمانیه سنجانی بدایت محکمه سی مستطقلکنه
رواندز قضاسی بدایت محکمه سی باش کاتبی عبده
افندی

بولی سنجانی بدایت محکمه سی مستطقلکنه
قره مرسل قضاسی بدایت محکمه سی مستطقی ذکی
افندی

قره مرسل قضاسی بدایت محکمه سی مستطقلکنه
کره بنه قضاسی مستطقی سابق عاکف افندی
کوکلی قضاسی بدایت محکمه سی مستطقلکنه

سلانیک ولایتی مرکز بدایت محکمه سی اوچنجی
مستطقی خلوصی افندی تعیین اولنمیشدر .

محاکمات مقبره

در سعادت استیناف محکمه سی مأموریت بهر سندن
درت سنه مقدم مصره صاوشه رق تهدید
آمیز مکتوب ارسالیله آرام صوغانجیاندن یکرمی
بش لیرا طلب ایلدیکی ادعاسیله متهم بولنان آرام

قزازیان نام شخص حقه اصول محاکمات جزائی
قانوننک اوچیزیمش برنجی ماده سی موجب
معامله مقتضیه ایفا و محاکمه غیایه سی بالا اجرا
نتیجه سندن مرقومک تهدید آمیز مکتوب
ارسالیله آرام صوغانجیاندن یکرمی بش لیرا طلب
ایلدیکی و بوخبررد اولندیغی حالده قتل ایله تهدید
ایلدیکی مذکور مکتوب مندر جاتیله ثابت
اوله رق قانون جزانک یوز طقسان برنجی
ماده سنه توفیقاً بش سنه مدله کور که قولمسنه
واوتوز برنجی ماده قانونیه منطوقجه حقوق
مدنیهدن اسقاطیله اموال مجوز سنک علی-
الاصول اداره ایتدی رلمسنه محکمه جنایتدن حکم
اولنمش و اصول محاکمات جزائی قانوننک اوچیز
یمش یدی و اوچیزیمش سکوز و اوچیز سکسان
برنجی ماده لریله مواد سائر سی احکامنه توفیق
معامله اولنمش مر جغه بیلدیرلش اولمغله مذکور
اوچیزیمش سکزننجی ماده نک جمله احکامندن
اولدیغی وجهله اعلان کیفیته ابتدار قلندی .

بلغارستانه فرار ایلدیکی ادعاسیله مظنون
علیه اولوب اوصاف و اشکالی غیر مضبوط
بولنان موشخ ایله امریقایه فرار ایلدکری
ادعاسیله کذلک مظنون علیهما اولان آرام
واوسبک اصول محاکمات جزائی قانوننک مواد
مخصوصه سی احکامنه توفیقاً جنایت محکمه سندن
محاکم لری اجرا قلنمق اوزره قانون جزانک
الی سکزننجی ماده سی موجبجه جنایتله

اتهاملرینه قرار ویرلدیکندن متهمون مرقومونک
هر نره ده کوریلور لر سه طوتیلوب محکمه
مذ کوره توقیفخانه سنه تسلیم لری لازم کله جکی
بالجمله ضابطه عدلیه مأمورلرینک معلومی اولمق
اوزره اشبو اخذ و گرفت مذ کوره سی در سعادت
هیئت اتهامیه سندن بالتنظیم اعطا قلندی .

محکمه تمیز استدعا دائره سندن تنظیم واعطا
قلنان اعلامدر :

بغداد ولایتی استیناف محکمه سی جزا دائره سندن
لاحق اولوب ۱۲ تشرین اول سنه ۳۲۱ تاریخده
تفهیم قلنان قراری ناطق ۲۸ شباط سنه ۳۲۱ تاریخی
ویوز سکسان یدی عدلی اعلامک تمیزاً تدقیقی
مستدعی محکمه مذ کوره مدعی عمومیلکی طرفندن
ویریلان ۱۶ تشرین اول سنه ۳۲۱ تاریخی استدعایه
واوراق متفرعه سی باش مدعی عمومیلک مأموریت
بهیه سنک ۲ تشرین ثانی سنه ۳۲۲ تاریخی تبلیغنامه سی
ایله محکمه تمیز استدعا دائره سنه تودیع اولنمش
ولدی التدقیق مذکور استدعایه نک مدتی ظرفده
ویرلدیکی اکلاشلمش اولمغله بالقبول تدقیقات تمیزیه
اجراسنه ابتدار قلندی .

اعلام مذکورک خلاصه مالی کری ماکتری
قومپانیه سنه عائد حوله دن بر صندوق امتعه بی سرقت
ایلدکری ادعاسیله مظنون علیهما اولان سیدالفرج ایله
یوسفک حقارنده جریان ایدن محاکمه و تدقیقات
نتیجه سندن فعل مذ کوره مجاسرتلری کندولرینک
یکدیگرینه عطف جرم ایتلری ومع القسم استماع
اولنان شهودک شهاداتی ایله ثابت اولدیغندن قانون
جزانک ایکی یوز اوتوز التنجی ماده سی حکمنه توفیقاً
ایکیشر بحق ماه مدله حبسلرینه دائر لاحق اولان
حکم ابتدائی علیهنده مرقومان طرفلرندن ویریلان
استیناف استدعایه سی اوزرینه سبق ایدن محاکمه

وتدقیقات استینافیه ده حکم ابتدائی مذکورک اسباب قانونیه دن طولانی فسخیه فعل مذکوره مجامعرتلری حقدنه برکونه دلیل واخباره دسترس اولنه میسان مرقومانک براتلرینه قرار ویرلدیکنی متضمندر .

لایحه تمیزیه ده مظنونلرک اعلام ابتدائی ده محرر اولدینی اوزره بکدبکره عطف جرم ایتک صورتیه وقوع بولان اقرارلری وشهود مستمعنه ک شهاداتی ایله مرتبه ثبوتیه واصل اولان حرکت مذکوره لرندن طولانی عند الاستیناف تأمین وجدانه کافی دلائل واخبارات موجود اولدینی بیانیه اعلام استینافی مذکورک قضی استدعا ایدلمشدر .

تبلیغنامه ده دخی اعتراضات مسرووده نک اصوله متعلق اولان قسمی اعلام مذکور منسدرجاتنه نظراً غیر وارد واساس ماده ده دائر اولان قسمی دخی وجدان حکامه عائد کوردنیکنی بیانیه استدعای مذکورک ردی طلب اولمشدر .

ایجابی لدی المذاکره اعلام ابتدائیک عند الاستیناف فسخ ایدلمش اولمسنه نظراً بویاده بکیدن اجرای تدقیقاته ابتدار اولمق وبدایه اقامه اولنسان شهودک دخی جلیلیه معلومانه مراجعت قلمق اصول محاکمه ایجاباتندن اولدینی حاله اعلام مزبورک اسباب فسخیه سی دائره سنده اکیال تحقیقات ایله اکتفا میدانده دلائل ثبوتیه موجود اولدینی سرد ایراد اوله رق کیفیتک بروجه مشروح قراره ربط اولمسی لایحه تمیزیه ده کوسرتلرکی وجهله قانونه مغایر نقض حکمی مستلزم کورنش اولدیفندن اصول محاکمت جزایه قانوننک اوچوز اون دردنجی و اوچوز اون طقوزنجی ماده لری احکامنه توفیقاً اعلام استینافیک نقضه ۱۵ ایلول سنه ۳۳۳ تاریخنده متفقاً قرار ویرلدی .

لئون قتل ایتدکلری ادعا اولمسنندن دولای جنایتله اتهام اولنان ارمناق حبس خانه ده وفات ایتدیکندن حقدنک حقوق عمومی ده دعوانسک سقوطنه و کورقورک اون بش واونیکک الی ویرسایه نک درت سنه مدته کورک قوللرینه دائر تکفورطاعی سنجانی بدایت محکمه سی جزا دائره سندن ایکنجی دفعه اوله رق ویریلان ۲۹۲ نومرولی اعلام

عنکلاکی جرح ایله تعطیل عضوینه سببت ویردیک ادعا اولمسنندن دولای جنایتله اتهام اولنان اونیکک اوچ سنه مدته کورک قوللرینه وجنجه مظنونلرندن یورکینک برآی و دیتری ایله پاسقالک اون بشر کون مدته حبس لرینه وقسطینک برائته

دائر تکفورطاعی سنجانی بدایت محکمه سی جزا دائره سندن ویریلان ۵۶۵ نومرولی اعلام مصطفی چاوشی قتل ایتدیکنی ویکدبکرینه قتل قصدیه تشهر سلاح ایتدکلری ادعا اولمسنندن دولای جنایتله اتهام اولنان سلیمانک الی سنه بوده حسن وقوسه حسنک اوچر سنه مدته کورک قوللرینه وسلهانک قتل فعلندن برائته دائر سلانیک ولایتی استیناف محکمه سی جزا دائره سندن ویریلان ۶۹ نومرولی اعلام

محمدی قتل ایتدکلری ادعا اولمسنندن دولای جنایتله اتهام اولنان یعقوبک اون بش سنه مدته کورک قوللرینه ویرادی عثمانک برائته دائر لازستان سنجانی بدایت محکمه سی جزا دائره سندن ویریلان ۵۱ نومرولی اعلام

حسینی قتل ایتدیکنی ادعا اولمسنندن دولای جنایتله اتهام اولنان امینک اون بش سنه مدته کورک قوللرینه و مذکور قتل فعلنده خلاف حقیقت شهادتده بولندینی ادعا اولمسنندن دولای کذا جنایتله اتهام اولنان عاکفک برائته دائر قسطنطنیه ولایتی استیناف محکمه سی جزا دائره سندن ویریلان ۱۳۳ نومرولی اعلام

چوبان مترونی قتل ایتدیکنی ادعا اولمسنندن دولای جنایتله اتهام اولنان علینک اون بش سنه مدته کورک قوللرینه دائر صاروخان سنجانی بدایت محکمه سی جزا دائره سندن ویریلان ۵۹۸ نومرولی اعلام حسین اوغلی امینی جرح ایدره ک وفاته سببت ویردیک ادعا اولمسنندن دولای جنایتله اتهام اولنان زاهدک اون بش سنه مدته کورک قوللرینه دائر قرق کلیسا سنجانی بدایت محکمه سی جزا دائره سندن ویریلان ۱۵۳ نومرولی اعلام محکمه تمیز جزا دائره سنجیه تصدیق قلمشدر .

۶۴۵ نومرولی نسخه ده مندرج در سعادت جنایت محکمه سی اعلامنک بقیه سی :

محاکمه مضبوط واوراق تحقیقه مره بوط اولان احوال واسباب خلاصه ایدیه لک ایجابی لدی المذاکره مدعی شخصی طوییک محمدک تعطیل عضوی تهمتیه اتهام ایدیلان قرغانچی مصطفی انکار تهمت و مدافه وکیل دخی مدعی شخصینک کندی کندینی جرح ایش اولدیفندن بالبحث طلب برأت ایدکلرندن فصل ماده ده کیریشلکده زنجیری قیوده قهوه خانه اوکنده اوطوردورقلری صروده کلش اولان متهم مصطفی مدعی شخصی محمد اطاله لسانده ومحمد دخی

مقابله ده بولنه رق منازعه یه باشلاملریه متهم مصطفانک صالدرمه سی بالتشهر صارومسی اوزرینه برای محافظه مدعی شخصی محمدک اوزادینی النیه اوره رق بش پارمقنی جریحه دار حتی بولاردن برنی قطع ایله صالدرمه سی اخذ ایدره ک فرار ایدیکنی کوردیکنی حقوق عمومی شهودندن ولی محمدک و مدعی شخصی ایله منازعه ایتسی و مزبور محمدک قاچمسی معقب متهم کشیده ایدیکنی بچاق ایله مزبور محمدک آرقه سندن یتیشهرک اوردیفنی وبعده فرار ایدیکنی ومتهم بچاق ایله تهاجته قارشو مزبور محمدک صندلیه یی قارشو طولدیفنی وبوصرده مزبور محمدک النیدن مجروح اولدیفنی و مزبور محمدک آلت جارحه ومتهمه یاره کوردیکنی بقال پنابوط وقهوه چی مصطفی افندینک ونقطه بکلمکده ایکن ایتدیکنی کورولتی به باقدیفنده متهم مصطفانک حامل اولدینی بچاغنی چکوب مزبور محمدک حواله ایتدکده و مزبورک دخی بچاغنی قارشو لاق ایچون الی اوزادینی هنکامده متهم مزبور محمدک النیه اورمقده اولدیفنی ومحل وقوعیه شتاب ایتدکده متهم مصطفی فرار ایتش ودرت بارمقندن مجروح اولمش اولان مزبور محمدی برای تدای اجزاخانه به کورتورمش اولدیفنی پولیس اهدافندینک حضور محکمه ده مع القسم وعلی الدرجات بیان ایلرینه وضابطه عدلیه تقریری دخی شهادت واقعیه یی مؤید اولمسنه و مدعی شخصی محمدک صول الی وسط پارمقنی بسبتون قطع اوله رق و سرچه پارمقندن ماعدا اوچ پارمقنک حرکات قابضه سنک درتده اوچنی ضایع ایدره ک درت آیده بیک ایک یوز غروش اجرتله التیام ایتدیکنی مجرر اولدیفندن اعضای بشر به نک مهمندن اولان پارمقنلرندن اول صورته برینک کلیاً معطل و اوچنک دخی حرکتک ثلثانی ضایع ایتش اولمسنه کورده مذکور اوچ پارمقنک ده حسب الایجاب هر برینه طاقیه لری برشی چکمک ویاخود کورتورمک وظانقنک قسم کلیسی ایفا ایدیه میه جکندن واعتبار قوه مکثره یه اولدیفندن مذکور اوچ پارمقنکده اولصورته متحرک اولمسنک قسم اکثری دوچار خلل اولمسنندن ناشی متهم مصطفی طرفندن مدعی شخصی محمدک اعضا سندن بولنان مذکور پارمقنلری جرح وتعطیل وقطع ایدلمش اولدینی امر محقق کورمسنه ومتهمک معاینه عائد راپور دخی برهفته صوکره یعنی وقعه ۲۱ کانون اول سنه ۳۳۲ تاریخنه مصادف کونک کیجیسی سرزده اولدینی حاله ۲۷ کانون اول سنه ۳۳۲ تاریخنده تنظیم قلدیفنی مین ایدوکندن و بروفق مبسوط شهودک اکثریسی اتشای وقعه ده متهمه یاره کور مدکلری و مدعی شخصیده آلت جارحه بولندیفنی سوبلرکینندن و مدعی شخصی بالکیر

صندلیه یی سبر ایتش ایدوکندن متهمک بعد الفرار در دستنده کورلمش اولان جریحه سازجه سنک فاعلی مدعی شخصی اولدیفنه قساعت وجدانیه حصوله کله مامسی جهته فعل جرح وقطع وتعطیلک مقابله ویا مدافعه ایقاع ایدلرکی اکلاشیله مامسنه مینی متهمک انکار کیفیت و مدافعه وکیلنک طلب برأت ایتسی التقاته شایان کوریه مامکله متهم مصطفانک ۳۳۲ سنه سی کانون اولنک یکرمی ایکنجی کیجیسی ساعت ایکنجی راده لرنده قاسم باشاده زنجیری قیوده مصطفانک قهوه خانه سی اوکنده بالمنازعه طوییک محمدی جرح و مزبور محمدک عضوی قطع وتعطیل ایدلرکی ثابت اولدیفندن فعل مذکورک فاعلی اولمق اوزره مجرمیته جرمک ثبوتنده اتفاق ونوعنده اکثریت ثلثان آرا ایله قرار ویریه لک محاکمه اوطه سنه عودتله قرار مذکور علناً قرائت و بیان اولندقده معاون موسی ایله مجرم مصطفانک قانون جزانک یوز یتش یدنجی ماده سنه توفیقاً تحدید جزائی طاب وادعا ووکیل موسی ایله ایله مجرم مصطفی دخی بشقه دیه جککلری اولدیفنی انبا ایتلرله بوجت محاکمه نک دخی اختتامی افهام اوله رق تکرار مذاکره اوطه سنه کیدلدی .

جهت جزایه حقدنه دخی مذاکره کیفیت اولندقده مجرم مصطفانک حرکتی قانون هاپون جزانک یوز یتش یدنجی ماده سنک فقره اولاسنه موافق و فقره مذکور « برکیسه بر شخصی جرح ویا ضرب ایله برعضوی قطع ویا تعطیل ایدر آیسسه مصارف جراحیه سی وحکم اوله جق ذبی استیفا اولمسنیه برابر اوچ سنه مدته کورک قونیلور » عبارته سی ناطق اولدیفندن اشبو احکام قانونیه یه توفیقاً وابتدای توقیفی اولان ۳۳۴ سنه سی ذی القعدده سنک یکرمی یدنجی کوندن اعتباراً اوچ سنه مدته کورک قوللرینه مصارف محاکمه اولان جمعاً یوز سکسان غروشک کندوسندن بالتحصیل عدلیه وزنه سنه تسلیم ایتدیرلسنه و مصارف جراحیه اولان بیک ایک یوز غروشک دخی بشقه ججه مجرم مر قومدن تحصیلیه مجروح محمده اعطا اولمسنه و دیت ایچون مدعی شخصی محمدک محکمه شرعیه یه مراجعتده مختار بولمسنه ۳۳۳ سنه سی تشرین اولنک اوتوزنجی کونی کذلاک وجاهاً و متفقاً قرار ویریه لک اصول تفهیمی ایفا قلدی .

افیمک اسرائیلی ضرب ایدلرکی ثابت اوله مدیفندن برائته تملک اقبالی ضرب ایتدیکنی ثابت اوله مدیفندن برائته

قوله چی دیترینک پنابوطیه ناموسه طوقور سوز سوبلرکی ثابت اولدیفندن مرقوم دیتریدن بر آتون جزای نقدی آلمسنه صلاح الدین افندی به نخل ناموس تقو هاتده بولنان ثروت خاندن یارم لیرا جزای نقدی آلمسنه خلاف تنیه حرکتی تبین ایدن صراندیدن بش بشلک جزای نقدی آلمسنه ابراهیمی ضرب ایدلرکی تبین ایدن محمد ایله عبدالحالکک برر هفته مدته حبس لرینه کیجه وقعی برج نام کسنه نک اشیا سی ایدلرکی تبین ایدن رژی قویلیسی احمدک برسنه مدته حبسنه اون بر یاشنده مکتب طلبه سندن فوآد افندی یی ضرب ایدن حدیقه معرفت مکتبی معلمی اسماعیل حق افندیدن بریچقی آتون آلمه رق فوآد افندی به اعطاسنه اجرای مأموریت حالنده ایکن بلدی چاوشی ابراهیم افندی یی ضرب وتحقیق ایدلرکی تبین ایدن سوربیک قاذینک الی آی مدته حبسنه احمد ایله سلیمانک اچمسی سرقت ایدن صاوه نک درت ماه مدته حبسنه و ختام مدت جزایه سنده ضابطه ججه کفالتله ربطنه

عزیزک اشیا سی سرقت ایدلرکی تبین ایدن مارقونک الی ماه مدته حبسنه

بالاک حسینیه تشهر سلاح ایتدیکنی ثابت اولدیفندن اون کون مدته حبسنه شکری افانک صبرک خانمی ضرب ایتدیکنی ثابت اولدیفندن بر آتون آتوب مزبوره یه ویرلسنه

مرقادنک کالی ضرب ایتدیکنی ثابت اولدیفندن بر آتون آتوب کاله ویرلسنه

علینک برانه یه تشهر سلاح ایتدیکنی ثابت اولدیفندن اون کون مدته حبسنه اسماعیلک طاهری ضرب ایتدیکنی ثابت اولدیفندن بر آتون آتوب مضروب ویرلسنه

دیترینک اسباقی ضرب و جرح ایتدیکنی ثابت اولدیفندن بریچقی آتون آتوب مجروح ویرلسنه

رامزک قادسیه ایله اولغانک جاملری شکست ایتدیکنی ثابت اولدیفندن اون بشلک جزای نقدی آلمسنه

یورکینک موسیو آشیل بیلسونی ضرب ایتدیکنی ثابت اولدیفندن بر هفته مدته حبسنه

شوقی افندی نک زامبا وزوجه سی ماریقونی ضرب ایتدیکنی ثابت اولدیفندن اون بش کون مدته حبسنه هرانلک مرطاک بلکن زلرینی سرقت ایتدیکنی ثابت اولدیفندن اوچ ماه مدته حبسنه و ختام مدت جزایه سنده ضابطه ججه کفالتله ربطنه آدونک صاری ضرب ایتدیکنی ثابت اولدیفندن بر آتون آتوب مضروب ویرلسنه

قوجونک سرسربلیکی ثابت اولدیفندن بر ماه مدته حبسنه ویرسنه ضابطه نظارتی آلتده بولندیرلسنه الیاسک حسن جرح ایتدیکنی ثابت اولدیفندن بر آتون آتوب مجروح ویرلسنه

احمد افندی نک طنائی ضرب ایتدیکنی ثابت اولدیفندن بریچقی آتون آتوب مضروب ویرلسنه شوقی افندی نک علی افندی یی ضرب ایتدیکنی ثابت اولدیفندن بر آتون آتوب مضروب ویرلسنه بک اوغلی بدایت محکمه سی جزا دائره سنجیه قرار ویرلشدر .

مجالس انتدابیه

عکاسی سنجانی بدایت محکمه سی مستنطق رشید افندی نک مواد معینه ده وظیفه مأمورده سی سوء استعمال ایدلرکی سوریه و بیروت ولایتاری عدلیه مفتشکلندن وارد اولان اوراق تحقیقه محتویاتندن اکلاشیله رق موسی الیهک بالعزل محاکمه آتته آلمسنه عدلیه نظارت جلیله سندن مأذونیت ویریه لک محله تبایعات منتضیه اجرا ایدلمشدر .

کرده قضاسی نائب و بدایت محکمه سی رئیس سابق صالح صبری افندی نک مواد معینه ده خلاف اصول وقانون معاملات متجاسر اولدینی قسطنطنیه ولایتی استیناف محکمه سی مدعی عمومیکندن وارد اولان اوراق تحقیقه مندرجاتندن مستبان اولمسنه مینی سائر ایجاب ایدلر حقلرنده برلکده تعقیبات اجرا اولمق اوزره رئیس موسی الیهک محاکمه آتته آلمسنه عدلیه نظارت جلیله سنجیه مأذونیت ویریه لک مذکور مدعی عمومیکله تبلیغات مقتضیه اجرا و کیفیت محاکمه سندن طرف عالی مشیختناییه ده معلومات اعطا قلمشدر .

اعلامات

در سعادت استیناف مدعی عمر بیکلی مأموریت برهبرنده : بیک اوچوز یکرمی اوچ سنه سی اغستوسنک

یکرمیجی بازار کیجه سی ادرنه قپوسی جوارنده کچه جی پیری محله سنده سلیمان افندی بی جرح و قتل ایلدکاری ادعاسیله مظنون علیهمان اولوب غیر موقوف بولنان صارمشده یکریمی برنومرولی خانه ده ساکن اورته بویلی، الاکوزلی، قمرال قاش و صاجلی، اورته اغزو برونی، طوپ چکلی، قمرال بیقلی یکریمی درت یاشنده ترلکچی آستانه لی علی بن رفعتک اصول محاکات جزائیة قانونک مواد مخصوصه سی احکامنه توفیقاً موقوف بولنان رفیق رضا ایله برلکده جنایت محکمه سنده محاکم لری اجرا قلمق اوزره قانون جزاسنک یوزیتش دردنجی ماده سی موجب جنایتله اتهامه قرار ویرلیدکندن متهم مرقومک هر زرده کوریلورایسه طوتیلوب محکمه مذ کوره توقیفخانه سنده تسلیمی لازم کله جکی بالجمله ضابطه عدلیه مأمورلرینک معلومی اولمق اوزره اشبو اخذ و گرفت مذ کوره سی در سعادت هیئت اتهامیه سندن بالتنظیم اعطا قلدی .

واسیلی جرح و قتل ایتدیکی ادعاسیله مظنون علیه اولوب غیر موقوف بولنان ادرنه قپوسنده پدرینک خانه سنده ساکن اون اوچ یاشنده نظیفک اصول محاکات نظیفک جزائیة قانونک مواد مخصوصه سی احکامنه توفیقاً جنایت محکمه سنده محاکمه سی اجرا وحقنده قرقجی ماده قانونیه موجب جنایه معامله ایفاقانمق اوزره قانون جزانک یوزیتش دردنجی ماده سنک فقره اولاسی موجب جنایتله اتهامه قرار ویرلیدکندن متهم مرقومک هر زرده کوریلورایسه طوتیلوب محکمه مذ کوره توقیفخانه سنده تسلیمی لازم کله جکی بالجمله ضابطه عدلیه مأمورلرینک معلومی اولمق اوزره اشبو اخذ و گرفت مذ کوره سی در سعادت هیئت اتهامیه سندن بالتنظیم اعطا قلدی .

در سعادت جنایت محکمه سنده :

اوچیز یکریمی اوچ سنه سی اغستوسنک اون طقوزنجی کیجه سی لنگه ده کریاقوی جرح و قتل ایتدکاری ادعاسیله مظنون علیهمان اولوب مقدمایکی قپوده فونوغراخیلیق ایتکده ایکن فرار ایدن قیصه بویلی، آز صاریجه بیقلی، قمرال قاشلی، سیاه صاجلی، اورته برون و اوفق آغزلی، آچیق آیللی، اسمر بکزی یکریمی اوچ یاشنده قوچو ایله کذلک حال فرارده بولنان واقامتکاهی غیر معلوم اولان قیصه بویلی، سیاه صاج و قاش و بیق و کوزلی، سیوری برون و اوفق آغزلی، بغدادی بکزی بکریمی بش یاشنده قوزغنجلی جورجی در دست ایدیه مامش اولدقلرندن تاریخدن اعتباراً جانب ریاستدن کندولرینه

مجدداً اون کون مهل اعطا قلنمشدر مهل معین ظرفنده مرقومان محکمه یه کلدکاری حالد قانونه اطاعت ایتامش نظریله باقیله رق حقوق مدنیه دن اسقاط قلن جقلری وعلیهلرند دعوا یه قیام اولنه جنی و محاکمه غیایه لری ائشاده امواللرینک جز آلتنه آلتنه جنی و بوسره ده برکونه ادعایه حقلری اوله میه جنی و بالجمله ضابطه عدلیه مأمورلرینک کندولرینی طومتغه مجبور بولندقلری کی معاملات حجزیه حقنده دخی مدعی عمومیلکه تبلیغات مقتضیه اجرا ایدلیدیکی جهته اصول محاکات جزائیة قانونک اوچیز یتش برنجی و اوچیز یتش ایکنجی ماده لرندن استنباط اولنان احکامه توفیقاً اشبو قرارنامه بالتنظیم اعلان اولنور .

جنایت محکمه سنده :

محمود پاشاده محمد پاشا خاننده ساکن ایکن تجارت بحریه محکمه سندن افلاسنه حکم اولنش اولان اینجه آغویان برادرلرک خصوصات افلاسیه سنک رؤیت و تسویه سی ضمتنده دعوی وکیللرندن دیران ارغانیان و طروس یازیجیان افدیلر اصالة سنديک تعیین قلمش اولدقلرندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجب جنایه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذ کوره ختامندن صوکره اوچ کونده یعنی ۳۲۳ سنه سی شباطنک اون التنجی جمعه ایرتسی اون سکزننجی بازار ایرتسی و اون طقوزنجی صالی کونلری تجارت بحریه محکمه سنک مصالح افلاسیه رؤیته مخصوص اوطه سنه کله رک سنديک افدیلر مواجهه سنده آله جقلرینی اثبات وقید وتصدیق ایتدیرملری ومدت مذ کوره ده اثبات وجود ایده میان آله جقلولر حقنده قانون مذ کورک ۲۱۰ نجی ماده سنده توفیقاً ایفای معامله اولنه جنی اعلان اولنور .

ایکنجی جنایت محکمه سنده :

کدک پاشاده مقیم کاوساله ودری تجارتیه مشغول سهراف اسایانک ۱۵ کانون ثانی سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمتنده اعضای محکمه دن عزتلو یاقو افدینک ژوز قومیسر و دعوی وکیللرندن یوسف کال بکک موقت سنديک تعیینلرینه و مغازه سیله اشای زائده بیتیه سنک تمهیرینه و اوراق و دفاترینک جنبه و کفالت مصدقه ارانه ایده مدیکی تقدیرده حبس و توقیفنه و بوبابده کی قرارک موقتاً اجراسنه ایکنجی تجارت محکمه سنده قرار ویرلش اولدیغندن قانوننامه تجارتک

۱۷۰ نجی ماده سی موجب جنایه دائمی سنديکک انتخاب اولمق اوزره اشبو ۳۲۳ سنه سی کانون ثانیسنک یکریمی طقوزنجی صالی کونی ساعت التی راده لرند اصحاب مطلوبک محکمه مذ کوره نک مصالح افلاسیه رؤیته مخصوص اوطه سنه کلری اعلان اولنور .

اطنه نهارت محکمه سنده :

اطنه ده قره صوفی چارشوسنده قومیسوونجی چاقاقجیان کیغورقک ۲۴ کانون اول سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمتنده اعضای محکمه دن رفعتلو پانده لی افدینک ژوز قومیسر و دعوی وکیللرندن لامع افدینک موقت سنديک تعیینلرینه و مغازه سیله اشای زائده بیتیه سنک تمهیرینه و اوراق و دفاترینک جنبه و کفالت مصدقه ارانه ایده مدیکی تقدیرده حبس و توقیفنه و بوبابده کی قرارک موقتاً اجراسنه اطنه تجارت محکمه سنده قرار ویرلش اولدیغندن قانوننامه تجارتک ۱۷۰ نجی ماده سی موجب جنایه دائمی سنديک انتخاب اولمق اوزره اشبو ۳۲۳ سنه سی کانون ثانیسنک سکزننجی صالی کونی ساعت التی راده لرند اصحاب مطلوبک محکمه مذ کوره نک مصالح افلاسیه رؤیته مخصوص اوطه سنه کلری اعلان اولنور .

اطنه ده یکی بدستاننده مانیفاطوره تجارتیه مشغول ایکن تجارت محکمه سندن افلاسنه حکم اولنش اولان سحاقیان سرکیزک خصوصات افلاسیه سنک رؤیت و تسویه سی ضمتنده دعوی وکیللرندن کریاقو افندی اصالة سنديک تعیین قلمش اولدیغندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجب جنایه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذ کوره ختامندن صوکره اوچ کونده یعنی ۳۲۳ سنه سی کانون ثانیسنک اون التنجی چهارشنبه اون یدنجی پنجشنبه اون طقوزنجی جمعه ایرتسی کونلری اطنه تجارت محکمه سنک مصالح افلاسیه رؤیته مخصوص اوطه سنه کله رک سنديک افدیلر مواجهه سنده آله جقلرینی اثبات وقید وتصدیق ایتدیرملری ومدت مذ کوره ده اثبات وجود ایده میان آله جقلولر حقنده قانون مذ کورک ۲۱۰ نجی ماده سنده توفیقاً ایفای معامله اولنه جنی اعلان اولنور .